

Na osnovu člana 87. i člana 90. Zakona o javnim nabavkama Bosne i Hercegovine ("Službeni glasnik BiH", br.39/14) te člana 8. Pravilnika o postupku direktnog sporazuma Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu broj: 01-01-618-1/19 od 15.03.2019.godine, nakon provedenog postupka direktnog sporazuma, zaključuje se

UGOVOR o nabavci i isporuci roba

između:

1. JU KS Zavod za zdravstvenu zaštitu studenata Univerziteta u Sarajevu, Ulica Patriotske lige broj 36, koju zastupa v.d. direktor dr Lejla Hrenovica-Bečarević, specijalista urgentne medicine (**u daljem tekstu: Kupac**)

i

2. Dental grupa d.o.o. iz Sarajeva, Ulica Malta bb, koju zastupa direktor direktor Nermina Šehović (**u daljem tekstu: Prodavac**)

Član 1.

Predmet ovog Ugovora je nabavka i isporuka stomatoloških naprava JRJN: 33126000-9 za potrebe Zavoda, a koje će Prodavac isporučivati Kupcu prema odredbama ovog Ugovora po ponudi broj: 46/20 od 17.02.2020. godine. Kupac zadržava pravo da odstupi od količina navedenih u ponudama, ali do maksimalne vrijednosti ugovora od 5.000,00 KM bez PDV-a.

Član 2.

Sastavni dio ovog Ugovora je ponuda ponuđača broj 46/20 od 17.02.2020. godine sa ukupnom cijenom od 4.842,30 KM sa uključenim PDV-om.

Član 3.

- (1) Prodavac se obavezuje da će isporuku materijala izvršiti sukcesivno prema narudžbenicama Kupca, u roku od najkasnije 7 (sedam) radnih dana od momenta narudžbe od strane Kupca.
- (2) Za mjesto isporuke materijala ugovara se adresa Kupca Patriotske lige broj 36, Sarajevo.

Član 4.

- (1) Prodavac se obavezuje da robu fakturiše u ugovorenim rokovima, na osnovu otpremnih dokumenata potvrđenih od strane Kupca da je preuzeo robu te izdao i predao fakture i to na dan preuzimanja robe.
- (2) Prodavac se obavezuje na nepromjenljivost ponuđenih cijena za ugovorene usluge tokom cijelog ugovornog perioda.
- (3) Plaćanje će se vršiti prema ispostavljenim fakturama u roku od 30 dana od dana isporuke materijala.

Član 5.

- (1) Prodavac se obavezuje da će isporuku predmetne robe izvršiti u skladu sa zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke.
- (2) Kupac je dužan da dostavi pisano obavještenje o svakom navodnom propustu Prodavca po ovom Ugovoru.
- (3) Kupac će utvrditi razuman rok za ispravku propusta Prodavca u smislu izvršene isporuke.

(4) U slučaju eventualnih primjedbi kupca na kvalitet i količinu isporučene robe, Kupac može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

Član 6.

Odredbe ovog Ugovora ne mogu se mijenjati nakon njegovog zaključenja.

Član 7.

Predmetni Ugovor stupa na snagu od dana potpisivanja obje ugovorne strane i zaključuje se na određeno vrijeme do 31.12.2020. godine.

Član 8

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 9.

Na ostala prava i obaveze ugovornih strana, koje nisu regulisane ovim Ugovorom, primjenjivati će se odredbe Zakona o obligacionim odnosima.

Član 10.

Svaka od ugovornih strana može otkazati ovaj Ugovor, pisanim putem, uz otkazni rok od 15 (petnaest) dana.

Član 11.

Ovaj Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka za vlastite potrebe.

Za Prodavca:

Nermina Šehović
Direktor

Behović

Broj: 02/03-01
Datum, 02.03.2020.



Za Kupca:

v.d. direktor, dr. Lejla Hrenovica-Bečarević
specijalista urgentne medicine

Lejla Hrenovica

Broj: 03-02-543/2020
Datum, 23.02.2020. godine

